

عرّيس

في شقة بالدور الثامن قالت البنت لأمها:

- بس ده بتاع بنات قوي يا ماما.

ردت الأم بابتسامة:

- يابنتي اللي لف كتير قبل الجواز وهلّس حيبقى
زهق وعايز يستقر ومافيش واحدة حتقدر تضحك
عليه... وافقي بس وعلى ضمانتي.

وفي شقة بالدور العاشر من نفس العمارة قالت البنت لأمها:

- بس ده خام قوي يا ماما

ردت الأم:

- يابنتي ده مستقيم ومتربي وحيبى مش شايف
في الدنيا غير مراته.. ولا عمره حيبص بره بيته.. قولي بس
انت آه وعلى ضمانتي.

التقت جارتا الأمس – بعد عامين – في المصعد وقد انتفخت
بطناهما وكل منهم تشكو للأخرى متاعبها مع زوجها وعلاقاته
النسائية وعيونه الزائغة.

استمارة